

(2) Conc. Trident. sess. 6 cap. 4 et sess. 25 cap. 6 de reform. Vide Benedictum XIV *De Synod. diœces. lib. 13 cap. 9 num. 5.*

(3) Conc. Trident. sess. 7 cap. 8, et sess. 21 cap. 8 de reform., ubi etiam observandum discriben inter monasteria, in quibus viget, aut non viget regularis observantia.

(4) Conc. Trident. sess. 22 cap. 8 de reform.

Novissimam de exemptionibus, tum *activis* tum *passivis*, Hisp. Eccl. disciplinam, ex Concordat. an. 1451, hujus lib. tit. 5. sect. 6. expōnemus. \*

(\*) In Hispania Ecclesie vel pia loca inmediatae Regiae Protectioni subjecta, à Sup. Camera Tribun. Delegatis visitabantur. *Adnot. 10 ad tit. 6, lib. 1, Novæ Compilat.* Hodie hospitalia ceteraque loca benefic. objectis destinata, provinciarum gubernatorum inspectioni commissa sunt.

Duo alia, pro istius sectionis coronide, animadvertere visum est. Primum: quod ad Episcoporum auctoritatem spectat, habendos præ oculis esse artic. 2, 3, et 4. Concordati 1451, qui hujuscem voluminis pagg. 5 et 6 inserti reperiuntur. Alterum: de Hisp. diœcesibus, ejusd. Conventionis art. 7 stabiliti que sequuntur:

Attentis gravibus causis, quæ id pro spirituali bono et majori fidelium commodo necessarium, et conveniens esse suadent, nova fiet in universa Peninsula, et insulis adjacentibus Diœcesium divisio ac circumscriptio.

Atque ideo  
Metropolitanæ quæ nunc sunt, Sedes Burgensis, Cæsaraugustana, Compostellana, Granatensis, Hispalensis, Tarracensis, Toletana et Valentina conservabuntur, et ad hunc ipsum gradum Cathedralis Vallisoletana ehetur.

Ita pariter conservabuntur Episcopales Ecclesie Abulensis, Almeriensis, Asturicensis, Auriensis, Barcinonensis, Calaguritana, Canariensis, Carthaginiensis, Cauriensis, Conchensis, Cordubensis, Derthusensis, Gaditanæ, Gerundensis, Gienensis, Guadicensis, Jacensis, Illerdensis, Legionensis, Lucensis, Majoricensis, Malacitana, Mindoniensis, Minoricensis, Oriolensis, Oscensis, Ovetensis, Oxomensis, Pacensis, Palentina, Pampilonensis, Placentina, Salmaticensis, Santanderiensis, Segobricensis, Segoviensis, Seguntina, Terulensis, Tirasonensis, Tudensis, Urgellensis, Vicensis, et Zamorensis.

Diœcesis Albaracinensis unitur Terulensi, Barbastrensis Oscensi, Civitatis Salmaticensi, Celsonensis Vicensi, Ibusensis Majoricensi, Nivariensis (Tenerife) Canariensi, Septensis Gaditanæ, et Tudelensis Pampilonensi.

Earum Episcopi Diœcesium, quibus altera adjungetur, hujus etiam titulum gerent, una cum proprio Ecclesiæ, quam regunt.

Nova erigentur Ecclesiæ Cathedrales Cluniæ (Ciudad-Real), Matriti, et Victoriae.

Episcopalis Sedes Calaguritana, et Calceatensis transferetur Lucronium, Oriolensis Alonium, et Segobricensis Castilionem, ubi primum in his civitatibus omnia ad rem parata sint, et Episcopis, ac Capitalis, quorum interest, consultis, opportunum existimetur.

## SECTIO II.

### DE PRESBYTERIS, DIACONIS, SUBDIACONIS, ET RELIQUIS ORDINIBUS.

19. SACERDOTIS OFFICIUM, ET POTESTAS.—20. UNDE SACERDOTIS, ET PRESBYTERI NOMEN DUCTUM SIT?—21 ET 22. POTESTAS ORDINIS, ET JURISDICTIONIS.—23. MINISTRI MAJORES, ET MINORES.—24 AB 26. DIAconi, EORUM INSTITUTIO, ET OFFICIA.—27. SUBDIACONI.—28. MINORES MINISTRI, ET EORUM INSTITUTIO.—29. ACOLYTHI.—30. EXORCISTÆ.—31. LECTORES.—32. OSIIARI. —33. CLERICI, QUI SOLAM HABENT TONSURAM.—34 ET 35. DISCRIMEN INTER MAJORES, ET MINORES ORDINES.—36. CLERICI MINORES, ETIAM CONJUGATI, QUANDO GAUDEANT FORI PRIVILEGIO?

19.

**A**b Episcopis ad Sacerdotes pergitum, universum deinde ministrorum ordinum explicatur. Nobilissimum est officium, et nobilissima potestas Sacerdotum novæ legis, qui Deo non vitulos, aut hircos immolant, sed lege à Christo lata ipsum Dominicum corpus, et sanguinem consecrant, atque offerunt in Missæ sacrificio.

20. Sacerdotes à sacris faciendis appellati sunt. Vocantur etiam *Presbyteri* (1), latine *Seniores* magis tamen sapientiæ, quam ætatis gratia (2). Omnis eorum potestas vel ex ordine, vel ex jurisdictione procedit.

(1) Quod summo haberetur in pretio, esse que maxime venerandum, simili Aristoteles vocat, et frequens illud Homeri, pro veneranda Dea.

(2) Eodem Presbyteri, et Sacerdotis nomine vocabantur etiam Episcopi. Cyprianus ep. 83, pag. 47 ed. Rigalt. Paris 1666., Chrysostomus in ep. ad Philip. cap. 1 Homil. 1 pag. 195 tom. 11 ed Paris. 1724. Vide Coteleum in Ignat. epist. ad Magnes. num. 10 tom. 2 PP. Apost. pag. 47 ed. Amstelœdami 1724, et Fabrorum in paratil. Cujac. lib. 1 lit. 5 col. 2<sup>4</sup> tom. 2 par. 1 ed. Mutin., seu Venet. an. 1758 Sed, ut plurimum, ne quis esset errori locus, Episcopi, aut *Summi Sacerdotes*, aut *Sacerdotes primi ordinis*; Presbyteri autem secundi ordinis *Sacerdotes*, aut *Sacerdotes secundi* appellati sunt. Tertullianus de Baptism. num. 77 pag. 265 t. 1 ed. cit., Ambrosius, sive potius Hilarius in ep. ad Ephes. cap. 4 col. 236 tom. 4 oper. ejusd. Ambrosii ed. Maurin. Venet. 1751., Leo M. serm. 48, de Quadrages. tom. 1 col. 481 ed. Ballerini. Venet. 1755. Vide Calmet in ep. Pauli ad Philip. num 1 pag. 416 tom. 8 ed. Luca 1758, et Jacobum Gothofredum in paratil. Cod. Theodos. de Episc. et Cleric. tom. 6 par. 1 pag. 17. ed. Lipsie an. 1745.

(N. S. Dictinus, ad Toletanam Synodum accusatus, ad universum Episcoporum Conventum adloquens ait: *Audite me, optimi Sacerdotes*. Demum

in nostris Conciliis Sacerdotes passim vocantur Episcopi; ut in Tolet. IV Can. 19.

Præcipue notandus Can. 20 Syn. Tolet. I: *Sine conscientia Episcopi (Presbyteri) nihil agere presumant.* Consonat Hispal. II Can. 7.

Maxima Presbyterorum prærogativa in eo erat, quod ipsis cum Episcopo sedere licebat (Syn. Carthag. IV Can. 34.); quod privilegium Diaconis commune haud erat. Immo, quod magis mirum est, Presbyterorum sedes, non secus ac Episcoporum, *Throni* adpellabantur. Id tamen discriminis inter Presbyterorum, et Episcoporum Thronos intercedebat, quod istis competit. *Thronus primus*, sive celsus, illis vero *Throni secundi*, vel inferiores. Ad rem Syn. mox laud. Canone 35: *Episcopus in Ecclesia, et consessu Presbyterorum sublimior sedeat; intra, domum autem, collegam se Presbyterorum esse cognoscet.*

At in Hispania Presbyteros quoque hoc cum Episcopis sedendi privilegio decoratos esse, ex Conc. Illiberit., quod saeculo IV ineunte celebratum est, aperte constat; in quo haud minus triginta sex Presbyteri sederunt. Similia habemus exempla in Tolet. I, et Braear. II, ubi observare etiam licet discriminem Presbyteros inter et Diaconos statuta, quod nimis in tantummodo ut stantes, illisque ministrantes represententur. Quin et in Tolet. IV Can. 4 decernitur, ut in Conciliis tam Episcopi, quam Presbyteri sedeant.)

21. Ex ordine trahitur infirmorum unctionis, consecratio divini corporis, et sanguinis, divini verbi prædicatio, potestas baptizandi, et ligandi, atque solvendi in Sacramento Pœnitentiae. Trahitur ex jurisdictione actus ipse, et jus exercendi hanc potestatem, quod ab Episcopo accipitur, et Episcopi arbitrio confertur, aufertur, laxatur, contrahitur, excepto mortis articulo, quo Presbyteris liberam Ecclesiam in morientem attribuit dimitendi peccata potestatem (1). Recte hinc eorum munera describit Pontificale Romanum (2), cum inquit, *Sacerdotem oportet offerre, benedicere, præse, prædicare, et baptizare.*

(1) Concil. Trid. sess. 25. cap. 45 de reform.

(2) Part. I tit. 42 §. 5 pag. 126 ed. Catalani Romæ an. 1753.

22. Sed non hæc omnia à quolibet Sacerdote fieri possunt. Quamvis enim Sacerdoti in ordinatione assignetur titulus, sive Ecclesia, cui inserviat, non omnibus tamen assignatur populus, quem regant, et cui in rebus spiritualibus præesse debeant. Tituli assignatio facit, ut in eo Missæ sacrificium offerant, panemque Eucharisticum populo distribuant, et quasdam benedictiones impertiant (1). Verum quod attinet ad reliqua munera, quæ in Pontificali memorantur, aptum quidem ad ea facit Presbyterum, et idoneum ordinatio; sed cum respectum habeant ad populum, sintque indicia spiritualis in eum jurisdictionis, et potestatis, hinc omnis Presbyter, qui sibi populum subjectum non

habet, facultate eorum jurium exercendorum, quam in ordinatione accepit, partim contra canones illicite utitur, partim frustra omnino, et inutiliter.

(1) Duplex distinguitur benedictio, altera, quæ major, et solemnis dicitur, quæque Episcopi propria est: altera minus solemnis, quam etiam Presbyteri emittere jus est can. 69. c. 1 q. 1 c. 5 ibiq. Glos. de privil. in 6. Sunt et aliae benedictiones, ut aquæ, novorum fructuum, et similes: sed in his servandi sunt ritus, et consuetudines Ecclesiarum, ex quibus quædam benedictiones Episcopis, quædam Parochis, quædam aliis ab Episcopo delegatis Presbyteris reservantur.

23. Ministrorum duplex est genus: alii majores, et sacri, alii minores, et non sacri appellantur. Sacri sunt Diaconus, et Subdiaconus; qui sacri dicuntur, quod inter Missarum solemnia ordinibus initiantur, et suo funguntur munere supra gradus altaris.

24. Diaconi ab Apostolis instituti sunt numero septem (1), quem numerum diu Romana Ecclesia retinuit (2). Electi autem sunt non tantum ut mensis, sed etiam ut altari ministrarent (3). Explicat eorum munera Pontificale Romanum (4) his verbis. *Diaconum oportet ministrare ad altare, baptizare, prædicare.*

(1) Act. 6. Id tamen ab Apostolis Christi mandato factum est. Vid. Theologos, et Salam in not. ad Bonam l. 1 c. 25 t. 2 p. 350.

(2) Confer Auctorem Comm. in l ad Timoth. inter oper. S. Ambrosii col. 551 tom. 4 ed. Maurin. Venet. 1751, quem quidam Ambrosium fuisse putant, vere tamen est Hilarius Sardus, Ecclesiæ Romanae Diaconus, qui IV. saeculo vitæ usura fruebatur. Petavius de Eccl. Hierarc. l. 1 c. 12 n. 7 opus illud Hilarii esse negat, sed cum refellit N. Alexander sæc. 4 c. 6 art. 14 p. 296 t. 4.

(3) N. S. Septenarium Diaconorum numeram diu retinuit Ecclesia Romana, Apostolorum exemplum sequuta: Sozomenus Lib. 7 cap. 19. Ex hac porro eorum paucitate, et præsertim, quum ipsis temporalia Ecclesiæ bona concrederentur, factum est, ut tantum sibi honoris comparaverint, ut sese Presbyteris præferre ausi fuerint: quorum merito audaciam reprimere studit S. Hieronymus, Ep. ad Evagrium: et Syn. Toletan IV, Can. 29, alias 28. Quin et Syn. Barcinon. an. 540, Can. 4, ipsos in consessu Presbyterorum sedere non permissit. Eundem ubique numerum retinendum constituerat Syn. Neocæsar. Can. 45; quod tamen pleræque non observarunt Ecclesiæ.)

(4) Cyprianus in can. 25 dist. 93, Diaconos, inquit, *Apostoli sibi constituerunt, Episcopatus, et Ecclesiæ ministros.* Quod idem habet Ambrosius de offic. lib. 1 c. 50 n. 255, et seq. col. 76 et seq. tom. 5 edit. Maurin. Venet. 1751. Revera Diaconos electos legimus viros plenos Spiritu S., eosque impositis manibus consecratos, quod clare ostendit, eos non tantum mensis, sed etiam altaris ministerio fuisse præpositos. Fuse ea de re disputat Juenin de Sacram. dissert. 9 de ord. in spec. q. 4 cap. 4, ac doctissi-

me, et copiosissime de officio, et institutione Diaconorum agit Cl. Mama-  
chiis in *dissert. de septem Diaconis*, quæ edita Romæ est anno 1749, atque  
defensa à Fr. Clemente Chodykiewicz, Ord. Prædic.

(4) *Part. 1 tit. 11 §. 4 pag. 110 ed. Catalani.*

23. Debent igitur Diaconi Episcopo, et Sacerdoti sacra fa-  
cientibus ad aram stantes inservire (1); olim etiam Eucharis-  
tiā populo tribuebant, sed hodie tribuere non possunt præ-  
sente Presbytero, et nisi id necessitas flagitet (2). Eorum etiam  
est baptizare; sed eo jure uti nequeunt, cum adest Sacerdos, et  
cum procul est causa necessitatis (3). Denique munus etiam præ-  
dicandi proprium est Diaconorum; atque id non solum respicit  
Evangelium, quod legunt in Missis solemnibus, sed veram etiam  
divini verbi prædicationem, quæ ad institutionem spectat popu-  
lorum (4). Verum munus hoc prædicationis, ut Presbyteri, ita  
etiam Diaconi, sine Episcopi venia, et auctoritate exercere non  
possunt.

(1) *Diaconus*, inquit Concil. Carthaginense IV, *can. 57 apud Labbæum tom. 2 col. 1440 ed. Venet.*, ita se *Presbyteri*, ut *Episcopi ministrum novet*. Alicubi Diaconi per summam audaciam sacrifictum obtulerunt; sed eam compressit Concil. Arelatense I, *can. 5 apud eundem Labbæum tom. 1 col. 1452*. Nam ipsi ad ministerium, non ad Sacerdotium consecrantur, ut recte inquit Concil. Carthaginense IV, *can. 4 apud dictum Labbæum tom. 2 col. 1457*. At enim Diaconos Dominicū etiam sanguinem in Latina Ecclesia con-  
secrassæ, videtur tradere S. Ambrosius *De offic. lib. 4 c. 41 n. 214 col. 64 tom. 3 ed. Maur. Ven. 1751*; nam apud eum Laurentius Diaconus ita Sixtum Episcopum suum, ad martyrium properantem, alloquitur: *Quo Sacerdos sancte, sine Diacono properas tuo? Numquam sacrificium sine ministro offerre consueveras. Quid in me ergo displicuit, Pater?... Cui commisisti Domini sanguinis consecrationem, cui consummandorum consortium sacramen- torum, huic sanguis tui consortium negas?* Verum hoc loco *sanguinis consecratio est sanguinis consecratus*, ut à Jurisconsultis thesaurus dicitur pecunia depositio, hoc est pecunia deposita, et Ambrosius Laurentio com-  
mittit sanguinem consecratum, ut eum distribuat, quod Diaconi officium erat, non ut ipsam sanguinis consecrationem faciat, quod proprium tantum est Episcopi, et Sacerdotis. Vide Card. Bona Rer. Liturg. *lib. 1 cap. 5 §. 4 pag. 504 tom. 2 ed Taurin. an. 1749*, et Sala in *notis pag. 506* et eruditos Monachos Congregationis S. Mauri in ipsum Ambrosii locum *cit. col. 64*.

(2) Cit. Concil. Carthaginense IV, *can. 58 tom. 2 col. 1440*, et Concil. Arelatense II, *can. 45 tom. 5 col. 4*. Diaconos ipsis Presbyteris dare ausus Eucharistiam, coercuit Nicæna Synodus *can. 18 tom. 2 col. 42 collect. Lab- bæi ed. Venet.*

(3) S. Cyillus Hierosolymitanus *cathech. 17 n. 55 pag. 281 ed. Maur. Paris. 1720*. Extat ea de re in act. Apost. 8. 38 exemplum Philippi Diaconi; sed tamen cum id Diaconus præstabat, Episcopi accedebat auctoritas Tertullianus de *Baptim. n. 47 tom. 1 pag. 265 cit. ed. Rigaltii*, Gelasius P. in *Decret. c. 7 apud Pithæum Codex Canon. veter. Eccl. Roman.*

*pag. 265. Paris. 1687. S. Hieronymus dial. contr. Lucifer. cap. 9 col. 182 tom. 2 edit. Vallarsii Veronæ, Conc. Eliberitanum can. 77 col. 1001 tom. 1 collec. Labbæi ed. Venet.* Atque ita intelligendus Auctor Constitutionum Apostolicarum lib. 8. cap. 28 apud Cotelerium PP. Apost. tom. 1 pag. 416, cum Diaconum baptizare negat. Consule Martenium de antiqu. Eccl. ritib. tom. 1 pag. 14 et seq. ed. Rotomag. an. 1700.

(N. S.) Diaconos ad rurales regendas Ecclesias, in quibus verbum Dei prædicarent, et baptizarent catechumenos, deputatos videmus et in Syn. Illiberit. *Can. 77*, et Tolet. IV *Can. 27*, alias 26).

(4) *Can. 1 dist. 25*. Quod Stephanum, et Philippum Diaconos, qui Apostolis supares fuerunt, secisse constat ex *actis Apostol. 6. 10. 3. 5*, tum etiam Origenem, Chrysostomum, atque alios, cum adhuc Diaconi essent, prædicationis munus obiisse memoria proditum est. Quod similiter Philostorgius, *Histor. Eccles. lib. 5 cap. 17 pag. 499*, et *lib. 4 cap. 5 pag. 504 ed. Valesii Cantabrigiae 1720*, scriptum reliquit de Leontio Antiocheno Episcopo, deque ejus successore Eudoxio, quorum alter Actium, alter Eu-  
nomium designavit ad ordinem Diaconutum, et utrius dedit divinum in Ecclesia verbum nunciandi facultatem. Cujus quoque rei fortasse exempla præbore possunt sermones S. Ephrem, Diaconi Syri, quos magnis effert laudibus S. Hieronymus de *Scriptor. Eccles. cap. 115 col. 929 tom. 2 cit. ed. Vallarsii*. Recte igitur Stephanus Baluzius in *not. ad ep. 8 S. Salviani pag. 416 ed. Pedeponti an. 1743*, illud ejusdem Salviani de *juvenibus*, qui magistris Ecclesiæ esse cœperunt, ad Diaconos arbitratur pertinere, quoniam clerici ad Diaconatum vocati, primum ab Episcopo docendi facul-  
tatem accipiebant.

(N. S.—V. *Syn. Tolet. IV, can. 40*, alias 59.)

26. Omnia hæc sunt munera, quibus nunc Diaconi fungun-  
tur. Olim et curam gerebant viduarum, virginum, orphanorum,  
pauperum, martyrum in custodia detentorum, quibus potissimum  
providere debebant, ne quid decesset ad vitam necessari-  
um (1); in vitam, moresque populi inquirebant, et criminis  
Episcopo nunciabant (2), oblationes accipiebant, nominaque offe-  
rentium (3), et sacra diptycha (4) in Ecclesia recitabant; com-  
munes preces indicebant (5); increpabant, et corrigebant eos,  
qui aliquid in Ecclesia agerent, quod minus decere videretur (6);  
finitis precibus, sacrisque peractis, ab Ecclesia discedere jube-  
bant populum, qui ad eam venerat (7).

(1) Cyprianus ep. 2 pag. 9 ed. Rigaltii Paris. 1666, Dionysius Alexan-  
drinus apud Eusebium Hist. Eccl. lib. 7 cap. 22 pag. 348 ed. Valesii Can-  
tabrigiae 1720, Auctor Const. Apostol. lib. 5 cap. 19 ap. Cotelerium PP.  
Apost. tom. 1 pag. 293 ed. Amstelædami 1724.

(2) Auctor Const. Apostol. lib. 2 cap. 41 pag. 255 loco indicato. Atque  
hanc ob causam Diaconi sœpe Episcopi oculi, aures, os, dextera, et cor  
appellantur, uti patet ex Auctore Const. Apost. cit. cap. 44 pag. cit., Cle-  
mente ep. ad Jacob. n. 42 apud eundem Cotelerium pag. 619 loc. cit. Isido-  
ro Pelusiota lib. 4 ep. 29 pag. 9 ed. Ritterusii Paris 1658.

(5) Hieronymus in *Ezech.* c. 18 lib. 6 tom. 5 col. 209 ed. *Vallarsi*. Accipiebat autem Diaconus oblationes, quas tradebat Sacerdoti, à quo illae super altari Deo offerebantur. Deinceps Diaconus offerentium nomina publice recitabat, quæ recitatio dicebantur *offerre nomina*, uti patet ex Cypriano ep. 9 pag. 21 ed. *Rigaltii Paris.* an. 1666; atque ut observant ipse Rigaltius in *not. ad ep. 60 Cyprian.* pag. 97, et *Bona Rer. Liturgic.* lib. 2 cap. 8 § 7 tom. 5 pag. 191 ed. *Auguste Taurin.* 1755. Latius de oblationibus agam Libro 2.

(4) Diptycha erant libri, sive tabulæ sacræ, in quibus erant descripta nomina viventium, et mortuorum, qui ceteris aut generis nobilitate, aut virtute, aut dignitate præstarent. Hinc alia erant viventium, et alia mortuorum diptycha. Ductum est nomen à ptychis, sive plicis, et ideo tabulæ, quæ duas habebant plicas, *dipthicha*, quæ tribus constabant, aut quinque tabulis, *triptica*, et *pentaptycha* dicebantur, de quibus agit Turnebus *Adversar.* lib. 9 cap. 23. Diptycha ecclesiastica diversa erant à profanis; nam illa chartacei, aut membranacei codices erant, haec autem tabulæ ebhrneæ, in quibus aureis characteribus novi Consulis nomen quoque anno scribebatur, eaque sunt diptycha, quæ consularia appellantur. Sacra diptycha Diaconus ex ambone, aut pulpito in ecclesia recitabat, uti patet ex Concilio Constantinopolitano an. 536 sub Menna habitu *act. 5 tom. 5 col. 1154 collect. Labbæi ed. Venet.* Cavebat autem diligenter Ecclesia, ne sacris diptychis inscripta nomina expungerentur errore, vel calumniis hominum, quoniam hæc pœna erat, qua plectebantur, qui propter aliquod crimen ab ecclesiæ communione sejuncti fuerant, vel à fide defecerant; atque hoc spectant Cyprianus ep. 66 ad *Cler. Furnitan.* pag. 109 ed. *Rigaltii Paris.* 1666. Augustinus ep. 77 n. 2 col. 182, et ep. 78 col. 184 tom. 2 ed. *Maurin. Venet.* 1729. Evagrius lib. 4 cap. 58 pag. 419 ed. *Vales. Cantabrig.* 1720. Socrates lib. 7 pag. 593 tom. 2 cit. ed. *Valesii.* Cyrillus in ep. *Synod. ad Dom.* in *act. 14 Conc. Chalc.* tom. 4 col. 1616. Justinianus ep. in *collat. Conc. Constantinop.* 553 tom. 6 col. 25 collect. *Labbæi.* Et notæ sunt disputationes de S. Jo. Chrysostomi nomine in diptycha referendo, cum multi id facere recusarent, quoniam ipse à Teophilo Alexandrino, tametsi iniqua sententia, exaucitoratus, et non absolutus ex hac vita migraverat. Interdum in homines vel viventes, vel mortuos excommunicatione injuste ferebatur, et tunc eorum nomina iterum scriberebantur in sacris diptychis, unde pridem expuncta fuerant, ut ecclesiasticae communioni restituerentur. Ita Alexander Antiochenus Episcopum Chrysostomi nomen scripsisse in tabulis ecclesiasticis, in quibus plures annos omisssum fuerat, narrat Theodoreetus lib. 5 cap. 55 pag. 235 cit. edit. *Vallesii Cantabrig.*, et ita Joannes Episcopus Constantinopolitanus in Synodo anni 518 diptychis restituit ea nomina, quæ deleta fuerant fraude Anastasii Imperatoris, qui Eutychianam hæresim sequebatur, uti patet ex *act. 5 Concilii Constantinopolitani sub Menna habitu tom. 5 col. 1155 collect. Labbæi ed. Ven.* De diptychis, proter Card. *Bona Rer. Liturg.* lib. 2 cap. 12 § 1, et 2, et R. *Sala in notis ad eundem pag. 260 et seq. tom. 5 ed. Auguste Taurin.* an. 1755, late, atque eruditè disputat Card. Norisius in *Dissert. Historic. de Synod.* V. cap. 5.

(5) Communes preces Diaconus indicebat, non tantum quod eas populum fundere jubebat, sed etiam quod ei prælibat verborum formula, quam in his precibus adhibere oportebat. S. Augustinus ep. 55 ad *Januar.* cap 18 col. 142 tom. 2 ed. *Maurin. Venet.* 1729. *Can. 23 dist. 93.*

(6) Auctor *Const. Apost.* lib. 2 cap. 57 apud *Cotelerium PP. Apo.* tom. 1 pag. 263 et 266 ed. *Amstelædami* 1724. S. Jo. Chrysostomus hom. 24 in *act. n. 4 pag. 193 tom. 9 ed. Montfauconii Paris.*

(7) Primum Judæos, ethnicos, catechumenos, pœnitentes, postea vero si deles Diaconus dimittebat. Nam omnibus hominibus, si protervos quosdam peccatores excipiās, quique in imo erant pœnitentium gradu, ac *flebles* dicebantur, in Ecclesia adesse licebat, cum sacræ conciones habebantur, ac psalmodia, lectioque Scripturarum perficiebatur, uti patet ex Patrum homiliis, præsertim ex Chrysostomo hom. 4 in *Pelag.* n. 4 pag. 590 t. 2, in *Phocam num. 2 pag. 707 tom. 2, in Psalm. 44 num. 4 col. 160 tom. 5 edit. Montfauconii Paris.*, locisque aliis compluribus. Nam Ecclesiæ Patres catechumenos, pœnitentes, et omnes, qui ex diverso erant, uti loquitur *Synodus Valentina can. 4 apud Labbæum Concil. tom. 5 col. 759 edit. Venet.*, Evangelia, sacerdotisque concepciones audire volebant, quoniam, ut ipsa inquit *Synodus Valentina loc. cit.*, sic *Pontificum predicatione audita, nonnullos ad fidem attractos evidenter scimus*, quo etiam spectat Concilium Arausicanum I can. 18 apud eundem *Labbæum tom. 4 col. 704 edit. ejusdem*, ubi sancitum est, ut *cathecumenis evangelia legitur*. Illa vero publici cultus pars, quæ peragebatur præsentibus cathecumenis, dicebatur *missa cathecumenorum*, cuius mentio est in Concil. Carthagin. IV can. 84 tom. 2 col. 1444. Valentino can. 1 loc. mox citato, Illeldensi can. 4 col. 752 tom. 5. Ea vero finita Diaconus dimittebat ethnicos, hæreticos, et qui in altero erant pœnitentium gradu, et audientes dicebantur; dimittebat inquam ea formula, quam habet Auctor Apostol. *Const. lib. 8 cap. 5 pag. 596 loc. cit. Ne quis audientium, ne quis infidelium.* Tum fundebantur preces pro cathecumenis, qui substrati vocabantur, pro energumenis, pro competentibus, qui scilicet brevi baptismum erant suscepturi, denique pro illis, qui in summo pœnitentium gradu versabantur. His peractis Diaconus exire jubebat omnes, qui mysteriis interesse non poterant, ac denique missa fidelium incohabatur, in qua nonnisi communicantes præsentes esse poterant. Ea vero absoluta, Diaconus universum conventum dimittebat ea formula: *in pace discedite.* S. Jo. Chrysostomus *Homil. 59 in eos qui pascha jejunant pag. 614 tom. 4 ed. Montfauconii Paris.* 1718, sed de his omnibus opportuniter erit disserendi locus in 2. Libro, cum de Sacramentis disputabimus; ubi etiam videbimus, num hæc, quæ certe fuit Ecclesiæ Græcæ, fuerit etiam Ecclesiæ Latinæ disciplina.

27. Diaconis veluti subsidiarii accesserunt Subdiaconi, qui diu fuerunt minorum clericorum numero, sed postea in Latina Ecclesia majoribus adscripti sunt, quod factum videtur undecimo Ecclesiæ sæculo, Urbano II. Pontifice (1). Munus eorum est Diacono in altaris ministerio opem ferre, parare vinum, panem, sacra lintea, et cetera ad sacrificium necessaria, Episcopo, et Sacerdoti manus in Sacrificio abluentibus, aquam effundere, in Missa epistolam legere (2).

(1) Subdiaconatum inter sacros ordines ab Urbano II. fuisse relatum, evidenter, meo judicio, ostendit Innocentius III. in *cap. 9 de ætat. et qualit. et ordin. præf.* Porro dubitari non potest, quin Urbano II. Pontifice Subdiaconatus esset inter minores ordines; cum id constet ex ejus decreto, quod refert Innocentius, et quod est apud Gratianum in *can. 4 dist. 60.* Ejus verbâ sunt hæc: *nullus in Episcopum, nisi in sacris ordinibus religiose vi-*

*vens inventus fuerit, eligatur; sacros ordines dicimus Diaconatum, et Presbyteratum, hos siquidem solos primitiva Ecclesia legitur habuisse. Memorat deinde Innocentius decretum alterum ejusdem Urbani, quo Subdiaconatus inter majores ordines relatus est. Cum hodie, inquit, Subdiaconatus inter sacros ordines computetur, sicut Urbanus Papa II. expressit, erubescant etc.* Duo igitur sunt inter se pugnantia Urbani II. decreta, quorum alterum inter minores, et alterum inter majores ordines Subdiaconatum refert. Quod recte intelligi, explicarique non potest, nisi dicamus, fuisse Subdiaconatum inter minores ordines, cum Urbanus II. Pontificatum obtinuit, ab eo vero deinceps fuisse relatum inter majores ordines, quo spectat alterum Urbani decretum, quod fortasse editum est post Synodum Beneventanam anni 1091. Thomassinus part. I lib. 2 c. 53 n. 2 et 5, cum quo sentit Van-Espenius *jus Eccles.* pag. 1 tit. 1 c. 3 num. 2, duo haec inter se pugnantia Urbani decreta admiratur, inquit tamen, revera ab Innocentio III. Subdiaconatum majoribus ordinibus adscriptum fuisse. Sed non video, quomodo id componi possit cum auctoritate ipsius Innocentii, qui Urbano tribuit decretum, quo Subdiaconatus inter sacros ordines relatus est. Antequam vero Subdiaconi inter majores clericos recenserentur, jam ipsis imposita fuerat lex perpetuae continentiae, uti constat ex S. Leone M. ep. 14 cap. 4 col. 687 tom. 1 ed. Baller., ex S. Gregorio lib. 1 ep. 44 col. 538, et lib. 4 ep. 56 col. 716 tom. 2 ed. Maurin. Paris. 1705, atque ex Concilio Romano sub S. Silvestro c. 8 col. 1584 tom. 1 collect. Labbæi edit. Venet., et Toletano VIII. can. 6 tom. 7 col. 420.

(2) *Can. clericos dist. 21, can. non liceat dist. 23, can. perfectis dist. 25... Subdiaconi officia describit Pontificale Romanum part. I tit. 41. §. 8 pag. 101 ed. Catal. Rom. his verbis: Subdiaconum oportet aquam ad ministerium altaris preparare; Diacono ministrare; pallas altaris, et corporalia ablucere; calicem, et patenam in usum sacrificii eidem offerre.*

(N. S. Subdiaconatus antiquitatem diserte testantur Cornelius Papa in celebri *Epist. ad Fabium Antiochenum*, Cyprianus in pluribus suis Epistolis, Auctor Constitutionum Lib. 8 cap. 9, Syn. Illiberit. Can. 30, et Athanasius *Epist. ad Solitarios*, aliquie veteres.

In Hispania lex coelitibus VI saeculo Subdiaconis imposta; Syn. Tolet. II Can. 1: tum deinde illis permissione sacra vasa ad altare deferendi, proximeque altari ministrandi; ut evincitur ex Syn. Bracar. I Cap. 10 alias Can. 28, et Tolet. IV, Can. 28 alias 27.)

28. Majoribus succedunt minores ordines Ministrorum; atque hi sunt Acolyti, Exorcistæ, Lectores, Ostiarii. Nomina haec, et officia, quæ his nominibus designantur, ad ipsum Ecclesiæ initium refert Synodus Tridentina (1); sed cum non definitur, quod id tempore factum fuerit, multi existimant, omnes minores ordines una cum Subdiaconatu, procedente tempore, Ecclesiam instituisse (2). Verum cum initio Diaconorum partes essent, quæ labentibus annis minorum clericorum propriæ esse cœperunt, recte sensiunt, qui minores ordines origine sua, hoc est quatenus Diaconatu comprehendebantur, ad ipsam hujus ordinis institutionem referunt. Tum quod Diaconi pares non essent omnibus his muneribus obeundis, Ecclesia veluti partes quas-

dam ex Diaconatu decerpit, ac pro singulis propriis ordines instituit (3).

(1) *Sess. 25 cap. 2 de Sacram. ord.*

(2) Disputant inter se viri docti, num minorum ordinum origo ab ipsis Apostolis sit repetenda. Affirmant Baronius ad an. 44 num. 78 tom. 1 pag. 513 ed. Luce 1758, Bellarminus de Cler. lib. 1 cap. 41 et seq. pag. 122 et seq. tom. 2 oper. ed. Venet. 1721, et Emmanuel Schelestratus Concil. Antiochenum rest. dissert. 4 cap. 12 art. 2; negant Morinus de sacr. ordinat. exerc. 1 num. 5, Card. Boni Rer. Liturgic. lib. 1 cap. 25 §. 17 tom. 2 pag. 265 ed. Augustæ Taurin. an. 1749, Cotelerius in Const. Apostol. lib. 2 cap. 25 num. 15 pag. 241 tom. 1 ed. Amstelædami 1724, Goarius in not. ad Eucholog. Græcor pag. 258, Juenin De sacram. dissert 9 qu. 6 cap. 1; ac diserte Amalarius De offic. eccl. lib. 2 cap. 6 in Biblioth. PP. tom. 14 pag. 97 ed. Lugdun. P. Lombardus 4 sent. dist. 24, D. Thom. suppl. par. 5 qu. 57 art. 2 tradunt, eos post etatem Apostolorum ab Ecclesia fuisse insitutos. Vide Benedictum XIV. De Synodo Diæc. lib. 8. cap. 9 §. 4 et seq., qui rem expendit, enumeratis argumentis, quæ ab utriusque sententiæ defensoribus proponuntur. Sane Cornelius Pontifex, qui medio III. saeculo vita usura fruebatur, singulæ illos ordines distinctim recensuit in epist. 9 ad Fabium Antiochen. num. 5 col. 150 apud Constantium ep. Roman. Pontif. cum de Novatione disputans, ignorabat, inquit, unum Episcopum esse optere in ecclesia catholica, in qua tamen sciebat Presbyteros quidem esse quatuor, et quadraginta, septem autem Diaconos, totidemque Subdiaconos, Acolythos duos et quadraginta, Exorcistas, et Lectores cum Ostiariis 25. Sed non idem semper ubique in antiqua Ecclesia minorum ordinum numerus fuisse videtur. Nam Auctor epistolæ ad Antioch. quæ Ignatii nomine circumfertur apud Cotelerium PP. Apost. t. 2 p. 107, itemque Auctor Canonum Apostolorum can. 42, et Auctor etiam Constitutionum Apostolicarum lib. 5 cap. 11 et lib. 8 cap. 28 uterque apud Cotelerium loc. cit. pag. 448 et pag. 287 et 415 cum minores clericos memorant, nullum de Acolythis verbum faciunt: quin auctor epistolæ, quæ Ignatii nomen præses fert, medios inter Ostiarios, atque Exorcistas constituit Laborantes, quos Apostolorum canones, atque Apostolicae constitutiones omittunt. Clericatus interdum à Lectoratu facta, constat ex Siricio ad Himerium ep. 1 cap. 9 col. 655, et Zosimo ep. 9 ad Hesychium col. 971 apud Constantium, Cypriano ep. 24 pag. 55 ed. Rigaltii Paris. 1666, Paulino de S. Felic. Natal 4 vers. 3 col. 591 ed. Murator. Veron. 1736. Lectores in Ecclesia Alexandrina nullo discrimine, uti loquitur Socrates lib. 5 cap. 22 pag. 296 ed. Valesii Cantabrigiæ 1720, sive ex fidelibus capiebantur, sive ex catechumenis, qui certe clerici non erant, et interdum qui ex Lectoratu statim ad Diaconatum evelhebatur. Socrates lib. 6 cap. 5 pag. 312 ed. cit., Palladius in vit. Chrysostomi tom. 15 opp. Chrysost. pag. 16 et 17 ed. Montfauconii Paris 1758. Huc etiam spectat Gregorius Turonensis Histor. lib. 4 cap. 6 col. 146 ed. Ruinarti Paris. 1799, apud quem Cato Presbyter, omnes numerans clericatus gradus, in quibus versatus fuerat, memorat tantum Lectoratum, Subdiaconatum, Diaconatum, Presbyteratum. Vide Arcendum De Concord. Eccl. occid. et orient. lib. 6 c. 9, Morinus De Sacr. Ordin. part. 2 exerc. 10 e. 5, Thomasinum Vet. et nov. Eccl. discipl. part. 1 lib. 2 cap. 55 num. 10, Martenium De antiqu. Eccl. rit. tom. 1 part. 2 lib. 1 cap. 8 et seq.